

Synodi Congregationibus præfuit, suumque gratum sensum munificæ ejus blandæque hospitalitatis.

SESSIO TERTIA ET ULTIMA.

**DOMINICA** quintâ post Pascha, die 17 Maii, horâ decimâ A. M. convenerunt in Ecclesiâ Metropolitanâ Ill<sup>m</sup>us ac Rev<sup>m</sup>us D. Archiepiscopus unâ cum ceteris Concilii Patribus, Officialibus ac Theologis. Missam celebravit Ill<sup>m</sup>us ac Rev<sup>m</sup>us D. Archiepiscopus; concionem verò habuit Ill<sup>m</sup>us ac Rev<sup>m</sup>us D. Episcopus Carolopolitanus. Deinde aperta est Sessio tertia et ultima, et servatis omnibus quæ in Pontificali Romano præscribuntur, ritè perfecta et absoluta.

ED. DAMPHOUX, S. T. D. *Secr.*  
FRANCISCUS LHOMME, *Secr.*

ACCLAMATIONES.

*Archidiaconus.* Deo Patri misericordiarum, et Deo totius consolationis, gratiæ.

*Chorus.* Immensa est misericordiâ tua super nos, Domine, qui Conciliorum frequentiâ Americanam Ecclesiam jugiter augere, nosque rectum justitiæ trami-tem et disciplinæ regimen docere dignatus es. Tibi laus, tibi honor, tibi gloria in sæculum, et æternum.

*Archid.* Beatissimo Gregorio Papæ, et Domino nostro, sanctæ universalis Ecclesiæ Pontifici, multi anni et diuturna prosperitas.

*Chorus.* Domine Deus, sanctissimum Patrem nostrum Ecclesiæ tuæ conserva: mitte illi auxilium de sancto, ut eo gubernante gentes omnes illuminentur,

et quæ dispersæ sunt, in unum Ecclesiæ tuæ ovile colligantur.

*Archid.* Reverendissimo Domino Archiepiscopo Baltimorensi, hujus Concilii præsuli, cum multis annis salutaris vigilantia, in laboribus constantia, et omnia fausta.

*Chorus.* Omnipotens Deus, super Antistitem nostrum benedictionum tuarum dona perpetuò multiplica.

*Archid.* Reverendissimis Dominis Episcopis, qui ad hoc Concilium celebrandum accesserunt, cum multis annis magnæ gratiæ.

*Chorus.* Magnæ gratiæ. Deus Pater luminum illustret faciem suam super eos, et accendat corda eorum in ædificationem Ecclesiæ suæ.

*Archid.* Episcopis et Presbyteris hujus Provinciæ, qui bonum certamen certantes ex hoc sæculo transierunt, pax à Domino, et felicitas in luce Sanctorum.

*Chorus.* Illorum memoria in benedictione. Dominus et illis, et omnibus qui diligunt adventum ejus, coronam gloriæ reddat justus judex.

*Archid.* Fidelibus Provinciæ nostræ, et cuncto populo Christiano pax Christi æterna.

*Chorus.* Da pacem, Domine, in diebus nostris; ut quâlibet perturbatione submotâ, populus tuus hic, universaque plebs Christiana liberis tibi mentibus deserviant.

*Archid.* Nos Dei voluntatem explentes, hujusque Concilii decreta corde magno et animo volenti exequentes, digni reddamur misericordiâ et gratiâ magni et summi Sacerdotis Jesu Christi Dei, cui sit honor et gloria in sæcula sæculorum; intercedente simul beatâ ejus genitrice Mariâ, cum beatis Apostolis Petro et Paulo, atque omnibus Sanctis.

*Chorus.* Amen, amen.

## DECRETA CONCILII.

I. **P**ATRES, ardentibus votis, plausu consensuque unanimi, B. MARIAM VIRGINEM SINE LABE CONCEPTAM in Patronam Americæ Fœderatæ Statuum elegerunt; nullâ tamen inductâ obligatione audiendi missam et à servilibus operibus abstinendi in ipso festo Conceptionis B. Mariæ: atque ideò Summo Pontifici humiliter supplicandum ut solemnitas, nisi festum in Dominicam inciderit, transferatur in Dominicam proximè sequentem, in quâ missæ, tam privatæ quàm solemnes, de festo illo translato celebrentur, vespertinumque officium de eodem recitetur.

II. Censuerunt Patres orandam esse S. Sedem ut declarationem edat pro Statibus Americæ Septentrionalis Fœderatis, quâ statuatur Clericos in sacris, ordinatos titulo missionis, et Diœcesibus hisce addictos, nos posse absque Ordinarii sui licentiâ in scripto datâ, religiosum ordinem ingredi, prout jam Episcopis Vincennensi et Ludovicopolitano S. Congregatio rescripsit.

III. Censuerunt Patres optandum esse ut, statim atque Ordinario uniuscujusque Diœcesis utile visum fuerit, proclamationes quæ Banna vocari solent, habeantur et fiant ante celebrationem Matrimoniorum\*, juxta mentem Conciliorum Lateranensis et Tridentini.

IV. Statutum est strictè inhibendos esse Pastores animarum ab administratione sacramentorum Matrimonii et Baptismi Fidelibus ex aliis Diœcesibus, qui ea à proprio Pastore facilè recipere possent.

\* Ex responso S. Congregationis, quod infra, 253, reperietur, Banna etiam matrimoniorum mixtorum sunt proclamanda.

V. Censuerunt Patres proximum Concilium Provinciale habendum esse Baltimori anno 1849, quartâ post Pascha Dominicâ.

† Ego SAMUEL, *Archiep. Baltimorensis, definiens subscripsi.*

† Ego MICHAEL, *Episc. Mobiliensis, definiens subscripsi.*

† Ego FRANCISCUS PATRITIUS, *Episc. Philadelphiensis, definiens subscripsi.*

† Ego JOANNES BAPTISTA, *Episc. Cincinnatensis, definiens subscripsi.*

† Ego GUIDO IGNATIUS, *Bolinæ Episc. et Ludovicopolitani Episcopi Coadjutor, definiens subscripsi.*

† Ego ANTONIUS, *Neo-Aureliæ Episc. definiens subscripsi.*

† Ego MATHIAS, *Dubuquensis Episc. definiens subscripsi.*

† Ego JOANNES, *Neo-Eboracensis Episc. definiens subscripsi.*

† Ego RICCARDUS PIUS, *Nashvillensis Episc. definiens subscripsi.*

† Ego CÆLESTINUS RENATUS LAURENTIUS, *Episc. Vincennensis, definiens subscripsi.*

† Ego JOANNES JOSEPH, *Episc. Natchetensis, definiens subscripsi.*

† Ego RICCARDUS VINCENTIUS, *Episc. Richmondsis, definiens subscripsi.*

† Ego PETRUS PAULUS, *Episc. Zelanus, Coadjutor et Administrator Detroitensis, definiens subscripsi.*

† Ego PETRUS RICCARDUS, *Episc. S. Ludovici, definiens subscripsi.*

† Ego JOANNES MARIA, *Episc. Claudiopolitanus, et Vic. Apost. Texensis, definiens subscripsi.*

† Ego MICHAEL, *Episc. Pittsburgensis, definiens subscripsi.*

† Ego ANDREAS, *Episc. Petriculæ, definiens subscripsi.*

† Ego GULIELMUS, *Episc. Chicaginensis, definiens subscripsi.*

† Ego JOANNES, *Episc. Axierensis, et Coadjutor Neo-Eboracensis Episcopi, definiens subscripsi.*

† Ego GULIELMUS, *Episc. Hartfordensis, definiens subscripsi.*

† Ego IGNATIUS ALOYSIUS, *Episc. Carolopolitanus, definiens subscripsi.*

† Ego JOANNES MARTINUS, *Episc. Milwauchensis, definiens subscripsi.*

† Ego JOANNES BERNARDUS, *Episc. Callipolitanus, et Coadjutor Bostoniensis Episcopi, definiens subscripsi.*

## RESPONSIO

S. CONGREGATIONIS DE PROPAG. FIDE AD ARCHIEPISCOPUM BALTIMORENSEM, CIRCA QUÆDAM PRIVILEGIA IN HONOREM B. V. MARIE, SINE LABE ORIGINALI CONCEPTÆ, PETITA.

ILLÛE AC REVÛE DOMINE,

**A**CCEPI suo tempore Acta et Decreta Synodi sextæ Provincialis Baltimorensis unâ cum litteris ac supplicibus libellis ad illam Synodum pertinentibus. S. Congregatio quamprimùm ea omnia accuratè perpendet, et ejus responsa, prout moris est, Amplitudini tuæ à me significabuntur.

Interea pergratum mihi fuit, dum ab Episcopis magno numero petitiones ad Apostolicam Sedem venerunt Immaculatæ Bñæ Virginis Conceptionis definitionem requirentes, à Synodo quoque Baltimorensi postulatam esse ut in Missæ præfatione et oratione Immaculatæ Virginis Conceptionis, atque in Litaniis Lauretanis, Bñæ Virginis sine labe originali conceptæ, in Fœderatæ etiam Americæ diœcesibus, devota mentio fiat.

Huic autem Epistolæ Rescriptum SSm̃i Dñi Nostri PII PP. IX de eâ re adjectum reperies. Precor Deum interea, etc.

Romæ, ex Ædibus S. Congregationis de Propagandâ Fide, die 15 Septembris 1846.

J. PH. CARD. FRANSONIUS, *Præfectus.*

JOANNES, ARCH. THESSALONICENSIS, *Secretarius.*

EX AUDIENTIA SANCTISSIMI, HABITA DIE 13 SEPTEMBRIS  
1846.

**A**D humillimas preces RR. PP. DD. Archiepiscopi Baltimorensis, et Episcoporum Diœcesum omnium Fœderatæ Americæ in Synodo sextâ Provinciali congregatorum, SSm̃us D. N. PIUS divinâ Providentiâ PP. IX, referente me infrascripto S. Congregationis de Propagandâ Fide Secretario, benignè in perpetuum concessit, ut tam Clerus sæcularis quam regularis omnium et singularum Fœderatarum Provinciarum diœcesum possit in officio et Missâ Conceptionis Bñæ Mariæ Virginis, tum die 8 Decembris et per Octavam, tum in Sabbatis per an-

num, ad verba *Conceptionis ejus* addere in Orationibus *Immaculatæ*; item in Præfatione dicere *Conceptione Immaculatâ*, et per annum *Commemoratione Conceptionis Immaculatæ*; ac tandem in Litaniis ejusdem Bmæ Virginis Mariæ, ab omnibus fidelibus in præfatis diœcesibus degentibus addi possit *ÿ. Regina sine labe Originali concepta, ora pro nobis.*

Datum Romæ, ex Ædibus dictæ S. Congregationis, die et anno quibus suprâ.

JOANNES, ARCH. THESSALONICENSIS, *Secretarius.*

### BREVE EPISTOLARE

SS. DÑI NOSTRI PII PP. IX AD ARCHIEPISCOPUM BALTIMORENSEM ET EPISCOPOS EJUS SUFFRAGANEOS.

*Venerabilibus Fratribus SAMUELI ECCLESTON, Archiepiscopo Baltimorensi, ceterisque Episcopis in Fœderatæ Americæ Septentrionalis diœcesibus consistentibus:*

PIUS PAPA IX.

Venerabiles Fratres, salutem et Apostolicam benedictionem.

QUAS Baltimoro, Venerabiles Fratres, ad prædecessorem nostrum fel. rec. GREGORIUM XVI litteras scripseratis, cùm ad eumdem Concilii sexti Provincialis in illâ Civitate mense Maio anno 1846 habiti Acta et decreta examinanda ac probanda mit-

teretis, eæ redditæ nobis sunt non multò postquàm, Pontifice illo ad virtutum suarum præmium à DEO OPTIMO MAXIMO accipiendum vocato, nos, licèt immerentes, ad B. Petri cathedram evecti sumus.

Voluissemus quidem vobis sine morâ respondere; sed expectandum potiùs esse statuimus, ut primùm de rebus in memorato Concilio gestis Venerabiles Fratres nostri S. R. E. Cardinales negotiis Propagandæ Fidei præpositi, accuratam, ut assolet, pertractationem peragerent, nobisque de deliberatione idcirco ab iisdem institutâ deinde referrent.

Nunc verò cùm id effectum ritè fuerit, cumque ea omnia absoluta sint, quæ ad novas Sedes Episcopales, prout petistis, in regionibus istis constituendas, atque ad earundem Præsulum electionem institutionemque faciendam necessariò requirebantur, scribendam vobis hanc epistolam existimavimus, ut animi nostri sensus vobis significaremus.

Scilicet lætamur plurimùm in Domino de incremento permagno quod apud vos Ecclesiam Catholicam in dies capere gaudentes testati estis. Gratulamur verò vehementer virtuti laboribusque vestris, qui propagandæ Religionis singulari studio animati, ad amplificandam magnam istam vineæ Domini partem, curam omnem ac pastoraalem sollicitudinem contulistis. Speramus autem futurum ut uberiores quotidie fructus ex præclarâ laborum vestrorum prosecutione percipiatis. Nos denique vobis apertè pollicemur, nihil unquam nos esse omissuros, quod vobis et Ecclesiæ causæ quam pertractatis, utilitati atque adjumento esse possit.

Interea, dum vos certiores facimus de Concilii à vobis habiti decretis per memoratam Ven. Fratrum nostrorum S. R. E. Cardinalium Congregationem

vobis mentem nostram erga vos in primis benevolam patefaciendam esse, Apostolicam benedictionem vobis ex animo peramanter impertimur.

Datum Romæ, apud S. Mariam Majorem, die 13 Junii 1847, Pontificatûs nostri anno primo.

## EPISTOLA

S. CONGREGATIONIS GENERALIS DE PROPAGANDA FIDE AD  
ARCHIEPISCOPUM BALTIMORENSEM.

ILLM̃E AC REṼME DOMINE,

**A**CTA et decreta sexti Concilii Provincialis ab Amplitudine tuâ et Episcopis Suffraganeis anno præterito habiti, ad hanc S. Congregationem perlata fuerunt; sed pluribus de causis, et præsertim gravitate rerum à Concilio pertractatarum, factum est ut responsio per quam mens S. Congregationis vobis innotesceret, ad hoc usque tempus differri debuerit. Pergrata quidem fuerunt emergentia ex Actis hujus etiam Concilii argumenta obsequii erga D. Petri Sedem, zeli pro animarum salute procurandâ, et divinâ gloriâ impensè promovendâ. Dignum verò vestrâ virtute fuit, qui Episcopali dignitate præditi estis, quòd tanto disciplinæ Ecclesiasticæ studio, tantâque erga Apostolicam Sedem observantiâ commendimini. Neque mirum proinde videri debet si ex hactenùs petitâ Sedium Episcopaliûm erectione, ex decretis conditis, et ex omnibus aliis in Conciliis Baltimorensibus antea gestis, tales fuerint in Americæ Fœderatæ Provinciis religionis progressus, ac tanto

splendore enituerit Cleri sollicitudo, atque Religiosa virorum et mulierum instituta tantoperè floruerint.

Ut hi fructus laborum quos unâ cum dilectis utriusque cleri Presbyteris indefessè sustinetis copiosiores sint, atque ut plenitudo gratiarum cœlestium in omnes diœceses derivetur, Patres Concilii optimum consilium inivere implorandi peculiarem potentissimam SSm̃æ Dei Genitricis opem ac tutelam, atque SSm̃us Dñus Noster Pius PP. IX electionem à Concilio factam ejusdem Bm̃æ Virginis sine labe originali conceptæ in Patronam Americæ Fœderatæ Statuum libentissimè confirmavit. Adjectum habetur de eâ re decretum à SSm̃o Dño approbatum.

Libellum supplicem quo petebatur ut Episcopis in posterum promovendis liceret juramentum juxta formulam à Concilio propositam emittere, S. Congregatio attentè consideravit, et SSm̃us Dñus Noster eandem formulam benignè approbans, ab Episcopis ad Sedes Americæ Fœderatæ promovendis servari jussit.

Ex adjectis pluribus SSm̃i Dñi Nostri litteris Apostolicis intelligetis Sanctitatem Suam novarum Sedium Episcopaliûm\* erectioni à vobis propositæ as-

\* Nempe *Albany, Buffalo* et *Cleveland*. Albanensis Diœcesis eos habet fines à Septentrione et Oriente, quibus ipse Status Novi-Eboraci includitur: à Meridie, lineam habent latitudinis Septentrionalis quadagesimam secundam; denique, Occidentem versûs, perveniunt usque ad limitem Orientalem Comitatum *Cayuga, Tompkins* et *Tioga*.

Diœcesis *Buffalo* comprehendit omnem illam Status Novi-Eboraci partem quæ, ad Occidentem, limitibus Orientalium Comitatum *Cayuga, Tompkins* ac *Tioga*, et consuetis finibus Status Neo-Eboraci constituitur.

Diœcesis *Cleveland* complectitur omnem illam Status Ohiensis partem quæ, ad Septentrionem, ad lineam latitudinis Septentrionalis gradum quadagesimum, et quadagesimum-primum minutum jacet.